

Oahppigirjjáš

2024-2025



Govven: Frid Svineng

Váldde oktavuoda

Tlf: 78469600

Šleađgapoasta: post@sami.vgs.no

Čujuhus: Niitonjárgeaidnu 28-30, 9730 Kárášjohka

Poastačujuhus: Postboks 113, 9735 Kárášjohka

**Microsoft
Teams**

Oahpahusláhka
<http://www.lovdatab.no/all/nl-199807-061.html>

**Viibamat ja
árvosánit:**
Visma inSchool

Ruovttusiidu
www.sami.vgs.no

Facebook
<https://www.facebook.com/svskarasjok/>

Instagram
samiskvgs_
karasjok



Gövvén: Eva Solbakken

Bures boahthin Sámi joatkkaskuvlla oahppin

Giitu go leat mearridan álgit Sámi joatkkaskuvllii Kárásjogas. Sávan dus lea leamaš buorre geassi ja leat gearggus álggahit ođđa skuvlajagi. Skuvlla bealis sávan dutnje váimmolaš bures boahthin Sámi joatkkaskuvlla oahppin.

Sámi joatkkaskuvla lea mánggaid logiid jagiid leamaš oadjebas ja fágalaš skuvla - skuvla mii hástala ja ovddida olles olbmo. Mii eallit gelddolaš áiggis mas servodaga gelbbolašvuoda dárbu lea rievdamin. Mánngas dii geat álgibehtet min lusa čakčat, álgibehtet ođđa fágaguin ja deaividehpet ođđa gáibádusaguin ja ođđa hástalusaguin.

Sámi joatkkaskuvla lea álgoálbmotskuvla. Eamiálbmotskuvllaoahppin sáhtát oažžut vejolašvuoda čatnat oktavuodaid eará eamiálbmotnuoraide ja oahppat eará eamiálbmotkultuvrraid birra ee. searvat WINHEC čoagganemiide. Sámi joatkkaskuvla lea World Indigenous Nations Higher Education Consortium (WINHEC) miellahttu. Beaiválaš eamiálbmotskuvllaoahppin don boadat mearkkašit dán iešguđet láhkai. Min luhtte šattat oassin ángiris, doaimmalaš ja guoibmáš birrasis gos don oaččut vejolašvuoda oahppat árbemáhtu ja dan ollislašvuoda jurddašeami

mii dasa gullá. Don gárttat deaivvadit ollu ođđa olbmuiguin, sihke mielohppiin ja oahpaheddiin. Ja min luhtte sáhtát ovttaráid birasbargin ieš mearridit makkár doaimmat galget lágiduvvot eahkediid. Ovdamearkka dihte iešguđetlágan kurssaid, tuvrraid, ohppiid eahkediid ja turneaid. Mii vuoruhit astoáiggedoaimmaid danin go dat leat dehálaččat du loaktima dihte.

Oahppiidgirjjáš lea dutnje veahkkin buot ođđa áššiin. Jus it gávnna dieduid maid dárbbášat ohppiidgirjjis, de fertet dušše riŋget skuvllii ja jearrat. Skuvlla bargit leat dáppe veahkehan dihtii du.

Skuvla fállá jo1 ohppiide oastit hálbbiduvvon čibbedihtora skuvlla oahppi-pc ortnega bokte. Lea sierra čálus dán birra.

Loahpas lohpidan ahte mii buohkat Sámi joatkkaskuvllas áigut dahkat buot maid sáhttit vai don loavttášit ja lihkestuvašit fágalaččat min luhtte.

Lihkku skuvlajagiin ja skuvlabargguiguin!

Dearvvuodaiguin
Susann Røkke
rektor

Skuvlla erenoamášvuodát

Min skuvla lea sámi joatkkaskuvla man stáhta eaiggáda. Skuvla addá dutnje gelbbolašvuoda orrut ja bargat sihke sámi, dáru ja riikkaidgaskasaš servodagas. Skuvla lea guovvtegielat. Buohkat jodihangottis hállet sihke sámeigiela ja dárogiela, ja seamma goská eanaš oahpaheddjiide. Oktasaš doaluin geavahuvvo sihke sámeigiella ja dárogiella.

Birrasii 65 % skuvlla ohppiin lea sámeigiella vuosttašgiellan. Earáin lea sámeigiella nubbeigiellan iešguđet dásiin. Muhtun fágain leat luohká juhkkuojuvvon guovtti jovkui main lea goabbatge oahpahusgiella, sámeigiella ja dárogiella. Ovttaskas oahppi bagadallan addo buot luohkáin oahppi eatnigiellii.

Skuvllas lea dus sámeigiella fágan. Jus it máhte sámeigiela, fertet lohkat sámeigiela nubbingiellan vuolimus dásis. Eanaš fágain mat dus galget leat, lea sámi sisdoallu. Min skuvla lea okta dain moatti skuvllain mat fáallet prográmmafága Sámi historjá ja Servodat. Mis leat dasa lassin iešguđetlágan prošeavttat, doalut ja beaivemátkit main lea sámeigiella ja kultuvra guovddázis. Skuvla lea rabas guokte eahkeda vahkus, ja dalle sáhtát omd. oahppat duddjot dahje ráhkadit sámi biepmuid. Maiddá valástallanhállá lea rabas dalle.

Don gii leat sámegielat, beasat oahppat eambo iežat kultuvrra birra. Don gii leat dárogielat itge dovdda sámi kultuvrra oaččut vejolašvuoda oahpásmuvvat gelddolaš kultuvrrain. Mis leat ee. fáddávahkut ja -beaivvit goas bargat iešguđetlágan sámi fáttáin.

Dutnje sáhtta leat ávkkálaš dál jo diehtit ahte mii geiget guokte giellabálkkašumi skuvlajagi loahpas. Nubbi addo oahppái geas lea sámeigiella vuosttašgiellan, ja nubbi fas oahppái geas lea sámeigiella nubbeigiellan dahje amasgiellan. Bálkkašumiid vuoitit fertejtit leat čájehan erenoamáš beroštumi geavahit sámeigiela ja aktiivvalaččat searvan sámi identitehta, giela ja kultuvrra ovddideapmái.

Min skuvla šattai jagi 2022:s WINHEC Organisašuvnna miellahttun, World Indigenous Nations Higher Education Consortium. WINHEC bargá álgoálbmo-giid vuoijnalaš oskku, kultuvrra ja giela suodjalemiin ja nannemiin oahpahusa bokte. Miellahttuvuohta lea kvalitehtasteampal ja addojuvvo dušše skuvllaide mat devdet WINHEC álgoálbmotskuvllaid gáibádušaid. Dus lea oahppin vejolašvuohta čatnat oktavuodaid eará álgoálbmotnuoraiguin ja oahppat eará álgoálbmotkultuvrraid birra ee. searvat WINHEC čoaŋganemiide.

Skuvla láve sáddet 4 ovddasteaddji, 2 oahppi ja 2 oahpaheadji, jahkásaš doaluide. Govas leat skuvlla oahppit WINHEC čoaŋganemis Fairbankas, Alaskas, gos maiddá 2 oahpaheadji oassálaste.

Govven:
Laila Sara Hegge



Praktihkalaš dieđut

Fágabeaivvit

Fágabeaivvit leat juohke bearjadaga. Fága-beivviid barggat ovttain fágain olles beaivvi. Lea molsašuddi galle fágabeaivvi oaččut juohke fágas, muhto oktiibuot oaččut rievttis lohkomeari diimmuin skuvlajagis.

Oahpponeavvut

Skuvlla álggadettiin oaččut luoikkasin eanaš oahppogirjiid skuvlagirjerádjosis. Girjerádjosis gávdnojit girjelisttat buot luohkáid várás. Eará dárbbaslaš dávviriid nugo suodjegárvvuid, kalkuláhtora, sátnegirjiid ja čállingirjiid fertet ieš háhkat. Buot ohppiin, geat álget Jo1ii, ferte leat kalkuláhtor. Skuvla lea dingon buori kalkuláhtoriid maid sáhtát oastit hálbái.

Dihtor

Buot jo1- ohppiin galgá leat dihtor mielde vuosttaš skuvlabeaivvi rájes. Skuvla fállá jo1 ohppiide oastit hálbbiduvvon čibbedihtora skuvlla oahppi-pc ortnega bokte. Lea sierra čálus dán birra. Eaktun dasa lea ahte oasti-behtet dihtora min neahttauvssoha bokte. Dihtora fertet dingot ovdal borgemánu 5.b, vai fitnet dan skuvlla-álgimii. Lohkket dárkilit mildosa dihtoroastima birra.

FUOM! Tevdnen-programmat mat geavahuvvojit TIPas ja Huksen-fágas eai doaimma Mac mašinnas.

Stipeanda ja loatna

Seammás go oaččut skuvlasaji, de berret ohcat stipeanda/loana www.lanekassen.no dahje www.vigo.no bokte. De leat ruđat go skuvla álgá. Jus vuorddát sáddemis ohcama skuvlajagi álgui, de sáhtá vuordináigi leat birrašiid 5-6 vahku. Buot vuoigatvuođoahppit sáhttet ohcat reaidostipeanda. Buohkat geat dan ohcet, ožžot stipeanda. Jus dárbbahat eambo dieđuid, fina neahtta-siiddus: www.lanekassen.no

Eará stipeanddat maid sáhtát ohcat leat:

Sámedikki giellamovttiidahtinstipeanda. Ohcanáigemearri láve leat njukčamánuš.

Lohkanbeaivvit

Don sáhtát ohcat 12 lohkanbeaivvi, 6 termiidnii. 3 lohkanbeaivvi goappát termiidnii lea várrejuvvon ealáhus- ja árbevirolaš bargguide. Don ozat sierra skoviin man oaččut skuvllas, ja galggat unnimusat vahku ovdal ohcat. Lea gulahallanoahpaheaddji guhte loahpalaččat meannuda ohcama.

Dáhkáduš

Go leat skuvllas, bargohárjehallamis dahje skuvlamátkkis maid skuvla lágida, de lea dus lihkuhisvuoda dáhkáduš. Fuomáš ahte skuvllas ii leat ovddasvástáduš jus don iežat dávviriid massát skuvllas, skuvlahárjehallamis dahje skuvlamátkkiin.

Ohppiid sáhtosteampi

Buohkat geat dárbbasit skuvlasáhtu fertejit dan ohcat. Dan fertet dahkat <https://skoleskyss.snelandia.no> neahttasiiddus. Galgá leat unni-musat 6 km ruovttus skuvlii vai oaččut nuvttá skuvlasáhtu, dahje medisiinnalaš ákkat. Don sáhtát lohkat eambo dán birra namuhuvvon neahttasiiddus.

Skuvlla ja ruovttu oktavuoha

Skuvla fievrriida jávkama, skihkalašvuoda ja meanu mearkkašumiid Visma inSchoolii. Skuvla maid váldá oktavuoda ruovttuin jus oahppi jávká olu skuvllas. Fuomáš! Válddalaš ohppiid váhnemat/ovddasteaddjit eai oaččo dieđuid skuvllas ohppiid birra. Jus oahppi čálalaččat suovvá, de sáhttet válddalaš oahppi váhnemat ge oazžut dieđuid seamma láhkái go agivuloš ohppiid váhnemat.

Sotnabeaivve borgemánu 18. beaivvi 2024, lea čoahkkin olggobeale ássiid ohppiide ja váhneiid/ovddasteaddjiide, dii. 18.00 Sámi joatkkaskuvllas. Mii guossohat láibbážiid, káfe/kakáo/teaja.



Govven: Eva Solbakken

Govvageavaheapmi

Skuvlla váccedettiin sáhttá muhtumin šaddat dárbu atnit govaid ohppiin/ohppiidjoavkkuin oahpahusdiliin. Go skuvla álgá de galggat vuolláičállit čállosa jus suovat geavahit iežat govaid skuvlla oktavuodas.

Dieđut ja boasta ohppiide

Galggat geahčastallat digitála diehtotávvalis dieđuid, kantiinnas ja váldouvssa luhtte ja Teamsas. Dain oáččot dehálaš dieđuid mat gusket du skuvlaárgabeaivái.

Ovdakantuvra

Doppe barget Trine, Ravna, Anne ja Lásse. Hála singuin orrunsaajiid, sáhtostemiid, loanaid, stípeandaid jna. birra. Mudui sii veahkehit din nu bures go sáhttet.

Bassit/Viessohoaidárat

Skuvla basso beaivet skuvlaáiggis. Dat vurdojuvvo ahte veahkehat skuvlla doallat čorgadin go bijat doabbariid doapparlihtiide, čorget bargosaját ja luohkkálatnjasat. Viessohoaidáriid latnjanummar lea 108.

Duhpáhastin/Snuvssen

Skuvlavisttis ja skuvlabirrasis ii leat lohpi duhpáhastit/snuvssat. Dát guoská el-sigarehtaide maid.

Mobiilatelefovndna

Lea mobiilatelefovndna gielddus tiimmuin, earret dalle go lea šithton oahpaheaddjin.



Govven: Laila Sara Hegge

Skuvlabeaivi ja dán jagáš skuvlaruvto



Govven: Frid Svineng

Skuvlabeaivi

Skuvlabeaivi álgá dii 08.30.
 Vuossárggaid ja manjebárggaid
 nohká skuvla dii.15.30.
 Gaskavahkuidd gerget oahppit
 dii. 14.40, duorastagaid dii.13.50.
 Bearjadagaid lea fágabeaivi,
 skuvla nohká dii.15.15.

Skuvla- diibmu	Diibmu
1	08.30-09.15
2	09.15-10.00
3	10.20-11.05
4	11.05-11.50
5	12.15-13.00
6	13.05-13.50
7	13.55-14.40
8	14.45-15.30

Skuvlaruvtto

Mánnu	Aktivitehta	Dáhton
Borgemánnu	Vuosttaš skuvlabeaivi	Vuossárga 19.08.24
Čakčamánnu	Čakčaluopmu 1	Vuossárga 23.09.24 – Bearjadat 27.09.24
Skábmamánnu	Oahpaheddjiid 3. plánenbeaivi	Vuossárga 18.11.24
Juovlamánnu	Manjimuš skuvlabeaivi ovdal juovlaluomu	Bearjadat 20.12.24
Ođđajagimánnu	Vuosttaš skuvlabeaivi manjil juovlaluomu	Vuossárga 06.01.25
Guovvamánnu	Oahpaheddjiid 4. plánenbeaivi Dálveluopmu	Duorastat 27.02.25 – Bearjadat 28.02.25
Cuoŋománnu	Beassášluopmu	Vuossárga 14.04.25 – Vuossárga 21.04.25
Miessemánnu	Giddaluopmu	Duorastat 01.05.25 – Vuossárga 05.05.25
	Hellduorastat	Duorastat 29.05.25
Geassemánnu	5. plánenbeaivi	Bearjadat 06.06.25
	2. Helldatbeaivi	Vuossárga 09.06.25
	Manjimuš skuvlabeaivi	Bearjadat 20.06.25

Ohppiide čálgofálaldagat

Kantiidna

Mis leat iešguđetlágan borramušat skuvlla kantiinnas. Skuvla subsidiere kantiinna doallama vai borramuš šaddá veaháš hálbibuš. Oahppit galget čorget iežaset manjs go leat boradan.

Ohppiid orrunsajit/ Verdebearašortnet

Skuvla sáhtta veahkehit ohcat orrunsaji. Mis lea verdebearašortnet olggobeale ássi ohppiide man bokte oažžu doarjaga viessoláigui.

**Valdde oktavuođa birasbargiin,
tlf 47786798, dahje ovdakantuvrrain
tlf 784 69600 dahje post@sami.vgs.no,
jus dárbbášat veahki gávdnat orrunsaji.**

Eahketdoaimmat

Valášállanhállá lea rabas skuvlla ohppiide mannebárggaid ja duorastagaid, eambo diedut bohtet čakčat. Dađistaga biddjojit eambo doaimmat johtui ohppiid beroštumiid mielde.

Skuvlagirjerájus

Girjerádjosis sáhtát luoikkahit oahppogirjjiid ja eará girjjiid, lohkat áigečállagiid ja áviissaid, geavahit interneahhta, mánget ja doppe leat maid joavkobargosajit. Girjerádjosis lea maid sierra jaskes lohkanlatnja. Fertet iežat diedihit geavaheaddjín skuvlla álggadettiin, vai oáččut luoikkahan/id-koartta.

Girjeskáhppa

Oáččut girjeskáhppa seammás go skuvlagirjjiid fidnet. Don fertet ieš oastit heangalohka mainna lohkkadat skáhpa.



Govven: Laila Sara Hegge

Ovddasvástádussuorggit

Gulahallanoahpaheaddji

Gulahallanoahpaheaddji lea dehálaš olmmoš dutnje. Son lea du/váhnemiid ja skuvlla gaskaolmmoš. Gulahallanoahpaheaddjis lea váldoovddasvástádus olles luohkkájovkui ja ovttaskas oahppái, ja galgá rávvet ja bagadit du ja dovddidahttit láhka-mearrádasaid, láhkaásahasaid ja njuolggadusaid mat dutnje erenoamážit gusket.

Luohkkáteama

Luohkkáteamas leat gulahallanoahpaheaddji/gulahallanoahpaheaddjit ja okta dahje guokte eará fágaoahpaheaddji. Sii ovddasvástidit luohká beaivválaš barggus. Ovttrasáidit luohkái ja erenoamážit luohkái lea sis ovddasvástádus ráhkadit luohkkái

jahkeplána, bargat luohkkábirrasiin ja ráhkkanit mátkkiide.

Neavvu

Neavvu sáhtta čuoovvutit du vai don sajáiduvat skuvlii. Neavvu fállá maid dutnje diehtujuohkima ja bagadallama vai don galggat oahppat veardidit makkár oahpput ja fidnut dutnje heivejit. Neavvus lea jávohisvuodageatnegasvuohhta.

Birasbargi

Birasbargi bargá skuvlla ohppiidbirrasiin ja galgá leat rávisolmmoš geainna oahppit sáhttet ságastallat. Birasbarggutt galget erenoamážit leat daid ohppiid várás guđet orrot ásodagas.

Gulahallanoahpaheaddjit ja luohkkáteamat	
1O Oahppospesialiseren Jo1 1M Mediat ja gulahallan Studeremii ráhkkanahatti Jo1	Gulahallanoahpaheaddji: Frid Tellefsen Svineng Teama: Laila Sara Hegge, Randi Nystad ja Marika Seilonen
2O Oahppospesialiseren Jo2 2M Mediat ja gulahallan Studeremii ráhkkanahatti Jo1	Gulahallanoahpaheaddji: Anne Marit Eira Teama: Sammøl Jovnna Nystad, Kathrine Stephansen ja Ann-Kristine Balto
3O Oahppospesialiseren Jo3 3M Mediat ja gulahallan Studeremii ráhkkanahatti Jo3	Gulahallanoahpaheaddji: Inger Johanne Revheim Teama: Risten Elle Sara, Berit Marie Lise Eira ja Laila Kathrine Holmestrand
3L Oppalaš studerengelbollašvuoda lasáhus Jo3	Gulahallanoahpaheaddji: Margrethe Sakshaug Teama: Rolf Marcus Ytrehaug ja Aimo West
1D Dearvvašvuoda- ja bajásáddanfága Jo1 2MN Mánáid- ja nuoraidbargifága Jo2	Gulahallanoahpaheaddji: Leikny Balto Haugli Teama: Janna Balto, Ingri Larsen ja Signe Helander
1T Tekniahkka ja industrijabuvtta-deapmi Jo1 2T Industrijateknologia Jo2	Gulahallanoahpaheaddji: Roy Tommy Fagerheim Teama: Jan Inge Paulsen ja Eva Solbakken
1HU Huksen- ja ráhkadustekniahkka Jo1 2HU Huksentekniahkka Jo2	Gulahallanoahpaheaddji: Leif Anti Teama: John Arne Dahl ja Emily Siopan
2A Ambulánsafága Jo2	Gulahallanoahpaheaddji: Mai Rita H.Hansen Teama: Kohji Ohhasi
Gáiddusoahpaheaddjit	Teama: Lena Haddal, Anni Østby, Ellen Ravna, Solfrid Ingeborg Sara ja Biret Alehtta Eira Anti
Erenoamášoahpahus	Teama: Kåre Solbakken, Jan Arne Næss, Toril Guttorm ja Gøril S. Sandbakk Teigen

Bargit geaid don berret diehtit geat leat



Rektor lea Susann Røkke. Sus lea ovddasvástádus olles skuvlla jodiheamis. Son bargá erenoamážit áššiiguin mat gusket skuvlalávdegoddái, Sámi joatkkaskuvllaid stivrii, departementii ja bargoveagahovdemii.

Oahpahusinspektevra I lea Trygve Guttorm. Sus lea ovddasvástádus buot diliin mat gusket oahppi oahpahusa goziheapmái, omd. skuvlaviiban (jávkan), skihkalaš-vuohta ja disipliinna, árvosánit ja eksámenat. Son bidjá tiibmaplánaid ja blohkkabeivviid.



Oahpahusinspektevra II lea Inger Lisbeth Persen. Son lágida sadjásaččaid jus oahpaheaddjit leat eret ja dieđiha ja juohká ohppiide bargguit. Luohká luohttevašoahppi dahje fágajovkkoža luohttevašoahppi galgá sutnje dieđihit jus geavvá nu ahte oahpaheaddji jávká ovdagihtii dieđitkeahtá oahpahas. Son goziha maid skuvlavistti ja oahpahusreaidduid.

Oahppobearráigeahčči lea Mette Anti Gaup. Son galgá earret eará du veahkehít vai oččošit dárbblaš fágaid ja diimmuid fidnoohppui ja viidáset ohppui. Jus dáhtut lonuhit dahje heaitit muhtin fágain, de fertet vuos suinna háleštit. Sus lea maid ovddasvástádus erenoamášoahpahas ja skuvlla sisaváldimis.



Kursainspektevra lea Anna Ravna Gaup. Sus lea ovddasvástádus ovddidit ja fállat sámegeiela gáiddusoahpahusa ohppiide guđet eai oaččo dan iežaset skuvllas. Sus lea maid ovddasvástádus eará kurssain maid skuvla vuovdá.

Dihtor ovddasvástideaddji lea Arnfinn Anti. Son lea dihtorovddasvástideaddji buot IKT geavaheamis skuvllas, sihke oahpahas ja hálddahas. Sutnje maid gullet čiegussánit ja geavaheaddjinamat.



Neavvu lea Laila Sara Hegge. Son galgá neavvut du ámmátválljemis, skuvlavázzin váttisvuodain ja ráđdet du persovnnalaš áššiin.

Birasbargi lea Lisbeth Johnskareng. Son bargá oahppibirrasis skuvllas, ja lea dat ollesolmmoš geainna sáhtát hállat vaikko man birra. Birasbargi galgá erenoamážit gozihit ohppiid geat leat ruovttus šaddan fárret skuvlla geažil. Su bargui gullá maid eahket rabasskuvla.



PP-neavvu lea Randi Nystad. Son galgá koordineret erenoamášoahpahusa ja neavvut ohppiid, váhnemiid/ovddasteddjiid ja pedagogaš bargiid mo oahpahusa lámhit.

Skuvlagirjerádjosa bargi lea Nina Ødegaard. Sus oaččut oahppogirjiid. Son maid veahkeha du gávdnat dieđuid go leat bargamin skuvlabargguiguin.



Ávkkálaš dieđut

Du vuoigatvuođat

- oažžut dan oahpu masa dus lea vuoigatvuohta oahppoplána mielde
- árvvoštallojuvvot
- oažžut duodaštusa ahte oahpu leat čadahan
- váidalit jáhke- ja eksamenárvosániid
- Meannuduvvot ávdalaččat ja vuoiggalaččat
- vázzit skuvllas gos it givssiduvvo
- oažžut veahkkediimmuid/erenomáš-oahpahusa jus don leaččat mänge láhkaid doaimmahehttejuvvon dahje dus leat duodaštuvvon oahppanváltisvuođat
- sihtat láchččojuvvon oahpahusa jus dus leaš bissovaš dávda, erenomáš ovdasmoraš-doaimmat dahje eará erenomáš dilitt
- oažžut čálalaš dieđu dakkaviđe go váruhuvvo ahte:
 - ii leat vuodđu bidjat oahppobajeárvosániid dahje loahpalaš árvosániid
 - oaččut fuonit árvosániid skihkalašvuođas ja meanus
- Gitta 10 beaivvi skuvllas jávkat muhtin dilálašvuodain, fievrretkeahtá dán jávkama duodaštussii
- oažžut neavvuma sihke sosiálapedagogaš jearaldagaide ja fidno- ja oahppoválljemii.

Du geatnegasvuođat

- boahitit oahpahussii ja searvat aktiivvalaččat
- vuostáiváldit dieđuid ja bagadeami
- čuovvut oahpahusa buot fágain dan kurssas mas váccát
- searvat molssaevttolaš skuvlabeivviide, mátkbeivviide, skuvlateáhterii, proševttaide jna.
- áiggil boahitit ja leat ráhkkanan oahpahussii
- searvat oahpahussii aktiivvalaččat ja skuvlabargguid buktit vai oahpaheaddjis lea dus árvvoštallanvuodđu
- earáiguin ovttasbargat vai šattašii buorre bargobiras
- láhttet olmmošvirolaččat ja deasttalaččat
- doalahit buori ortnetvuoda sihke skuvlla siste ja olggobealde
- dieđihit jus dieđat ahte viibbat oahpahusas ja čuovvut mielde iežat jávkama
- čuovvut skuvlamearrádušaid. Daid gávnnat Teamsas.



Govven: Frid Swineng

Árvvoštallan

Oahpaheaddjit čuvvot du ovdáneami ja addet ruovttoluotta dieđuid main don galggašit oahppat. Oahpaheaddji dieđiha jus du jávkan mielddisbukta ahte ii leat vuodđu bidjat árvosáni jahkebealárvoštallama dahje jahkeárvoštallama oktavuodas. Dutnje addo vejolašvuohta dán dili njulget.

Árvvoštallan dilis lea dus vuoigatvuohta:

- beassat diehtit oahpahusa mihttomeriid
- oažžut diehtit mii deattuhuvvo go árvvoštallot
- oažžut árvvoštallot iežat gelbolašvuođa gaskan lohkanbaji
- oažžut dihtosii maid fertet máhttit vai šattat čeahpit fágas
- árvvoštallat iežat gealbbu, barggu ja fágalaš ovdáneami
- háleštit du gulahallanoahpaheddjiin dahje eará luohkkáteama lahtuin fágalaš ovdáneami birra uhcimusat oktii jahkebeallái

- oažžut jahkebealárvoštallama árvosániiguin čilgehusaiguin du gealbbu fágain ja mas bagadallot mo gealbbu buoridat.
- Ságastallat fágaoahpaheddjiin fágalaš ovdáneami birra

Jávkan badjel 10% maid it sáhte duodaštit sáhtta dagahit ahte it oaččo árvvoštallama. Váilevaš oasálastin plánejuvvon árvvoštallan-dilálašvuodain sáhtta dagahit ahte it oaččo árvvoštallama ovtta fágas.

Jávkan ja árvvoštallama vuodđu

Buot jávkan fievrriiduvvo loahppaduodaštussii. Gitta 10 beavvi rádjái, sáhtta jávkan dearvvašvuođa, luohttamuš doaimmaid, politihkalaš doaimmaid, veahkkebarggaid, láhkageatnegas čoačkkimiid ja našuvnnalaš ja riikkaidgaskasaš ovdastusaid geažil sihkkovuvvot. Eambo sáhtat lohkat \$3.47 oahpahuslága láhkalasáhusas. Dakkár jávkama ferte oahppi duodaštit.



Govven: Laila Sara Hegge



Govven: Frid Svineng

Eksámen – eksámenárvosátni

Skuvlajagi loahpas soaittát šaddat eksámenii, njálmálaččat dahje/ja čálalaččat. Árvosátni maid oáččut eksámenis čállo álo loahppaduodaštussii oktan loahppaárvosániin. Jus oáččut IV muhtin fágas, de sihkkojuvvo vejolaš eksámenárvosátni. Jus it ceavzze eksámena, de it leat ceavzán fágas vaikke leatge ožžon loahppaárvosáni. Jus ceavzzát eksámena, muhto it leat ceavzán loahppaárvosáni, de leat ceavzán fága.

Fuomáš ahte jus heaittát muhtin oahpposuorgefágain 2. lohkanbajis, de it oáččo dievaslaš duodaštusa jus gessot eksámenii dan fágas mas heitet.

Ođđa/Manjiduvvon eksámen

Jus oáččut 1 loahppaárvosátnin dahje eksámenii, de lea dus vuoigatvuohta ođđa eksámenii vuosttas háve go lea eksámen. Jus leaš duodaštuvvon lobálaš jávkkan dábálaš eksámenii, de lea dus vuoigatvuohta manjiduvvon eksámenii. Don fertet ieš váldit oktavuođa Inspektevra I dakkavide maññil skuvlaálgima.

Go áigutt árvosániid váidalit

Oahppin lea dus vuoigatvuohta váidalit loahppaárvosániid ja eksámenárvosániid. Oáččut sierra dieđuid dán váidaleami birra. Váidaleapmi diedihuvvo čálalaččat rektorii.

Don berret hállat fágaoahpaheddjiin ovdal vai son sáhttá du neavvut. (Geahča Oahpahuslága §5)



Govven: Laila Sara Hegge



Govven: Mette Anti Gaup

Oahppidemokratiija

Ohppiidráđđi

Ohppiid oktasašorgána skuvllas, mas leat mielde okta luohtttámušoahppi juohke luohkás. Ohppiidráđđi bargá áššiiguin maid oahppit ieža ovddidit ja maid rektor dahje skuvlalávdegoddi sádde meannudeapmái. Čoahkkimat leat čoahkkindiimmus. Oahppiráđis leat maidái ruđat/várit maid sáhtta atnit oahppidoaimmaide.

Oahppiorganisašuvdna

Ohppiid iežaset fuollaorganisašuvdna.

Skuvlalávdegoddi

Skuvlalávdegottis leat bargit ja oahppit, ja lea ráddeaddiorgána rektorii.

Skuvlabiraslávdegoddi

Galgá skuvllii addit ráđiid skuvlabirrasa ektui. Lávdegoddi sáhtta maid bivdit skuvlla buoridit fysalaš ja psykososiála birrasa. Skuvlalávdegottis galget leat eanetlogus.

Sámi joatkkaskuvllaid stivra

Dan guovtti sámi joatkkaskuvlla bajimuš stivrenorgána. Oahppiráđis lea okta láhtu skuvlastivrras hállanvuogiatvuodain.

Eará lávdegottit

Oahppit leat ovddastuvvon Ikt-lávdegottis, girjerájušlávdegottis ja kantiinalávdegottis.





Govven: Margrethe Sakshaug

Oahppofáladagat 2024/25		
Prográmmasuorggit		Sajit
Oahppospesialiseren	Jo1	22
Media ja gulahallan SR *	Jo1	8
Oahppospesialiseren -gíelat, servodatfágat ja ekonomiija -realafágat	Jo2	24
Media ja gulahallan SR *	Jo2	6
Oahppospesialiseren -gíelat, servodatfágat ja ekonomiija -realafágat	Jo3	24
Media ja gulahallan SR *	Jo3	8
Oppalaš studerengelbbolašvuoda lasáhus	Jo3	5
Oppalaš studerengelbbolašvuoda lasáhus manjá fágaiveve	Jo3	16
Dearvasvuoda- ja bajáššaddanfága	Jo1	10
Mánáid- ja nuoraidbargifága	Jo2	10
Ambulánsafága	Jo2	10
Huksen- ja ráhkadusteknihkka	Jo1	7
Huksejeaddji	Jo2	7
Teknologiija- ja industriijafága	Jo1	7
Industriijateknologiija	Jo2	7
Oahppisajit oktiibuot		171
*Sámeigiella ja dárogiella oahpahušgiellan		

